

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Broj: 01-04-2237

Bihać, 27.04.2026.godine

Na osnovu člana 7. Zakona o javnim preduzećima („Službene novine Federacije BiH“ broj 8/05, 81/08, 22/09 i 109/12), člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“ broj 12/03, 34/03 i 65/13) i člana 14. Statuta Turističke zajednice Grada Bihaća („Službeni glasnik Grada Bihaća“ broj 4/21), Gradonačelnik Grada Bihaća, raspisuje:

JAVNI KONKURS

za izbor i imenovanje na pozicije članova Nadzornog odbora u
Turističkoj zajednici Grada Bihaća

I NADZORNI ODBOR

- članova2 (dva)

II OPIS POZICIJE

Nadzorni odbor ima sljedeće nadležnosti:

- donosi statut Turističke zajednice grada,
- donosi poslovnik o svome radu,
- donosi godišnji program rada sa finansijskim planom,
- usvaja godišnji izvještaj o poslovanju i završni račun,
- donosi opći akt o unutrašnjoj organizaciji i sistematizaciji poslova, pravilnik o radu i druge opće akte u skladu sa Zakonom i Statutom Turističke zajednice,
- provodi proceduru izbora direktora javnim konkursom u skladu sa Zakonom o ministarskim, vladinim i drugim imenovanjima u Federaciji BiH,
- odlučuje o svim pitanjima obavljanja djelatnosti radi kojih je Turistička zajednica osnovana ako zakonom nije određeno da određenim pitanjima odlučuje drugi organ Turističke zajednice,
- usmjerava, kontrolira i ocjenjuje rad direktora,
- obavlja i druge poslove u skladu sa Zakonom i ovim Statutom.

III MANDAT I NAKNADA ZA RAD

Predsjednik i članovi Nadzornog odbora se imenuju na vrijeme od 4 (četiri) godine, s mogućnošću ponovnog imenovanja, a za svoj rad u Nadzornom odboru imaju pravo na naknadu u skladu sa važećim zakonskim propisima, koja će se isplaćivati iz sredstava Turističke zajednice. Nadzorni odbor iz reda svojih članova bira predsjednika.

IV OPĆI USLOVI

Svi kandidati za pozicije koje su predmet ovog javnog konkursa moraju ispunjavati sljedeće opće uslove propisane Zakonom:

1. da su državljani BiH,
2. da su stariji od 18 godina, a mlađi od 65 godina na dan imenovanja,
3. da nisu otpušteni iz državne službe kao rezultat disciplinske mjere, na bilo kojem nivou u BiH, u periodu od tri godine prije objave javnog konkursa,
4. da nisu pod optužnicom Međunarodnog suda za ratne zločine (član IX 1. Ustava Bosne i Hercegovine),
5. da nisu osuđivani za krivično djelo ili privredni prestup, niti se protiv njih vodi krivični postupak,
6. da im pravosnažnom presudom suda nije zabranjeno obavljanje aktivnosti za poziciju na koju apliciraju,
7. da nisu na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH,
8. da nisu izabrani zvaničnici, nosioci sudskih ili izvršnih funkcija, ili savjetnici izabranim zvaničnicima i nosiocima izvršnih funkcija u smislu Zakona o sukobu interesa u institucijama vlasti BiH,
9. da nisu direktori, članovi uprave, predsjednici ili članovi nadzornog odbora ili odbora za reviziju u drugom privrednom društvu,
10. da nisu u sukobu interesa u ličnom ili profesionalnom odnosu s društvom u kom apliciraju na poziciju predsjednika, odnosno člana Nadzornog odbora.

V STEPEN OBRAZOVANJA, STRUČNA SPREMA I OSTALI POSEBNI USLOVI ZA POZICIJE

- VSS - VII stepen stručne spreme ili drugi ili treći ciklus Bolonjskog sistema obrazovanja,
- najmanje 3 godine radnog iskustva nakon sticanja VSS.

Prilikom procjene kvalifikacije i iskustva kandidata kao posebni uslovi uzimaju se u obzir i sljedeći kriteriji:

- stručne, iskustvene, komunikacijske i organizacijske sposobnosti za vršenje poslova finansijskog nadzora,

- sposobnost tumačenja i primjene zakona i drugih propisa, a naročito iz djelatnosti Turističke zajednice,
- prilagodljivost timskom radu i sposobnost za savjesno i odgovorno obavljanje pozicije za koju se kandiduje,
- sposobnost odlučnog i nepristrasnog donošenja odluka,
- rezultati rada ostvareni tokom prethodnog radnog angažmana i preporuka poslodavca.

VI POTREBNI DOKUMENTI

Kandidati su dužni dostaviti prijavu na javni konkurs, koja treba da sadrži oznaku pozicije za koju se kandiduje, kratku biografiju, adresu i kontakt telefon.

Prijava se može podnijeti samo za jednu od pozicija.

Uz prijavu se prilažu original ili ovjerena fotokopija slijedećih dokumenata:

- uvjerenje o državljanstvu (ne starije od 6 mjeseci),
- izvod iz matične knjige rođenih,
- preporuku poslodavca,
- ovjerena kopija diplome,
- uvjerenje o radnom stažu u struci,
- drugi dokazi o ispunjavanju općih i posebnih uslova javnog konkursa (ovjerene izjave o ispunjavanju općih uslova pod tačkama: 3., 4., 7., 8., 9., i 10. javnog konkursa).

Dokaz o ispunjavanju općih uslova iz tačke 5. i 6. bit će dužni dostaviti samo kandidati koji budu predloženi za konačno imenovanje.

Lični podaci u učesnicima u javnom konkursu su tajni i mogu se prikupljati i obrađivati u skladu sa Zakonom o zaštiti ličnih podataka BiH („Službeni glasnik BiH“ broj 49/06, 76/11 i 89/11).

VII OSTALE NAPOMENE

Javni konkurs će se objaviti u „Službenim novinama Federacije BiH“ i dnevnom listu „Dnevni avaz“.

Rok za podnošenje prijave je 15 (petnaest) dana, a računa se od datuma zadnje objave javnog konkursa.

Prijave sa dokumentacijom mogu se dostaviti lično ili preporučenom pošiljkom, u zatvorenoj koverti, na adresu:

Grad Bihać, Komisija za provođenje izbora u regulirane organe u Gradu Bihaću, ulica Bosanska broj 4., 77000 Bihać

sa naznakom: «Prijava na javni konkurs za izbor i imenovanje na pozicije članova Nadzornog odbora u Turističkoj zajednici Grada Bihaća - NE OTVARATI».

Komisija će uz poštivanje zakonskih načela, a na osnovu kriterija za ocjenjivanje i izbor kandidata utvrđenih zakonom sastaviti listu sa užim izborom kandidata.

Svi kandidati na listi sa užim izborom bit će pozvani na intervju i uz poziv će dobiti obrazac u kojem će iznijeti bilo koje pitanje koje bi moglo dovesti do sukoba interesa, za slučaj imenovanja.

Nakon obavljenog intervjua, Komisija će uz pismenu preporuku, Gradonačelniku Grada Bihaća predložiti rang listu najboljih kandidata i istu dostaviti Gradonačelniku na dalje razmatranje.

Odluku o konačnom imenovanju članova Nadzornog odbora donijet će Gradonačelnik, uz saglasnost Gradskog vijeća u skladu sa Odlukom i ovim Statutom.

Konačno imenovanje će se objaviti u „Službenim novinama Federacije Bosne i Hercegovine“ i „Službenom glasniku Grada Bihaća“.

Protiv Odluke o konačnom imenovanju članova Nadzornog odbora, svaki učesnik u konkursu i svaki drugi član javnosti može podnijeti prigovor Gradonačelniku, a njegovu kopiju dostaviti Ombudsmenu za ljudska prava Federacije Bosne i Hercegovine.

Neblagovremene i nepotpune prijave neće se uzeti u razmatranje.

Podnosioci prijave sa kojima se ne stupi u kontakt u roku od 8 (osam) dana po isteku roka za podnošenje prijave, neće biti uzeti u razmatranje u daljem postupku imenovanja.

Gradonačelnik
Elvedin Sedić